



REPUBLIKA E SHQIPËRISË
UNIVERSITETI I ARTEVE
REKTORATI
DREJTORIA E MENAXHIMIT TË BURIMEVE NJERËZORE
SEKTORI JURIDIK

Nr. 187 prot.

Tiranë, më 31.01 2019

URDHËR

Nr. 5, datë 31.01.2019

MBI

**“NJË NDRYSHIM NË URDHËRIN E REKTORIT NR. 51, DATË 03.12.2018 PËR
NGRITJEN E GRUPIT TË PUNËS PËR PRANIMIN E APLIKIMEVE TË
STUDENTËVE, TË CILËT PËRJASHTOHEM/REDUKTOHEM NGA TARIFA
VJETORE E SHKOLLIMIT, PËR VITIN AKADEMIK 2018-2019, NË
UNIVERSITETIN E ARTEVE”(I NDRYSHUAR)**

Bazuar në ligjin nr. 80/2015, datë 22.07.2015 për “Arsimin e lartë dhe kërkimin shkencor në institucionet e arsimit të lartë në Republikën e Shqipërisë”; pikën 3, të nenit 113 të ligjit nr. 44/2015, datë 30.04.2015 “Kodi i procedurave administrative të Republikës së Shqipërisë”; Vendimin e Këshillit të Ministrave nr. 40, datë 23.01.2019 “Për disa ndryshime dhe shtesa në vendimin nr. 269, datë 29.03.2017, të Këshillit të Ministrave, për përcaktimin e kategorive të individëve që plotësojnë kriteret e pranimit në një program të ciklit të parë të studimeve, në një program të integruar të studimeve ose në një program të studimeve profesionale, që përjashtohen nga tarifa vjetore e shkollimit” (i ndryshuar); Vendimin e Këshillit të Ministrave nr.780, datë 26.12.2018 “Për përcaktimin e kategorive të individëve që plotësojnë kriteret për ulje të tarifës vjetore të studimit në programet e ciklit të dytë të studimeve, në institucionet publike të arsimit të lartë”,

URDHËROJ:

1. Mbështetur në Vendimin e Këshillit të Ministrave nr. 40, datë 23.01.2019 “Për disa ndryshime dhe shtesa në Vendimin e Këshillit të Ministrave nr. 269, datë 29.03.2017 “Për përcaktimin e kategorive të individëve që plotësojnë kriteret e pranimit në një program të ciklit të parë të studimeve, në një program të integruar të studimeve ose në një program të studimeve profesionale, që përjashtohen nga tarifa vjetore e shkollimit” (i ndryshuar)”, kriteret për të përfituar përjashtim nga tarifa vjetore e shkollimit, për vitin akademik 2018-2019, kanë ndryshuar si më poshtë vijon:
 - a. Studentët e pranuar në vitin e parë akademik, në programet e studimeve profesionale, programet e ciklit të parë të studimeve dhe në programet e integruara të studimeve në institucionet publike të arsimit të lartë, me notë mesatare vjetore nga 9 (nëntë) deri në 10 (dhjetë), nga sistemi i arsimit të mesëm të lartë, që përlllogaritet si mesatare e thjeshtë e këtyre treguesve:
 - i) mesatarja aritmetike e thjeshtë e notave përfundimtare vjetore të lëndëve për të gjitha vitet e shkollimit në arsimin e mesëm të lartë;





REPUBLIKA E SHQIPËRISË

- ii) mesatarja aritmetike e thjeshtë e notave të provimeve të Maturës Shtetërore. Lista e studentëve që plotësojnë kriterin e notës mesatare hartohet nga Qendra e Shërbimeve Arsimore dhe dërgohet në institucionet publike të arsimit të lartë dhe në Ministrinë e Arsimit, Sportit dhe Rinisë.
- b. Studentët e regjistruar në programet e studimeve profesionale, programet e ciklit të parë të studimeve, programet e integruara të studimeve në institucionet publike të arsimit të lartë, në vitet pas të parit, me notë mesatare vjetore të ponderuar nga 9 (nëntë) deri në 10 (dhjetë) të vitit paraardhës akademik, të përlogaritur me kreditet dhe notat e atij vitit akademik, nga institucionet publike të arsimit të lartë. Studentët duhet të kenë shlyer të gjitha detyrimet e vitit paraardhës akademik, për të cilin llogaritet nota mesatare vjetore e ponderuar.
- c. Studentët, të cilët u përkasin shtresave sociale në nevojë, si më poshtë vijon:
 - i) studentët, familjet e të cilëve trajtohen me ndihmë ekonomike;
 - ii) bashkëshortët, të cilët kanë fëmijë dhe janë të dy studentë;
 - iii) studentët, persona me aftësi të kufizuara, të vërtetuar nga Komisioni Mjekësor i Caktimit të Aftësisë për Punë, përfitues të pagesës së aftësisë së kufizuar;
 - iv) studentët, të cilët i kanë të dy prindërit me aftësi të kufizuara, të vërtetuar me vendim të Komisionit Mjekësor të Caktimit të Aftësisë për Punë, përfitues të pagesës së aftësisë së kufizuar;
 - v) studentët, të cilët i kanë të dy prindërit pensionistë ose njërin prind pensionist dhe prindi tjetër nuk jeton;
 - vi) studentët, të cilët janë të tretët e lart në radhën e fëmijëve në familje me tre fëmijë a më shumë, nga të cilët dy të parët janë studentë në institucionet publike të arsimit të lartë;
 - vii) studentët, të cilët kanë përfituar statusin e jetimit, deri në moshën 25 vjeç;
 - viii) studentët, të cilët kanë humbur kujdestarinë prindërore me vendim gjykatë të formës së prerë, deri në moshën 25 vjeç;
 - ix) studentët, të cilët janë identifikuar si viktime të trafikut të qenieve njerëzore dhe kanë përfituar statusin ligjor për trajtim si viktime të trafikut të qenieve njerëzore, deri në moshën 25 vjeç;
 - x) studentët, të cilët janë fëmijë të punonjësve të Policisë së Shtetit, të Gardës së Republikës, të Shërbimit për Çështjet e Brendshme dhe Ankesat, të Shërbimit të Mbrojtjes nga Zjarri dhe Shpëtimin, të Forcave të Armatosura, të Shërbimit Informativ të Shtetit dhe të Policisë së Burgjeve, që kanë humbur jetën në krye dhe për shkak të detyrës;
 - xi) studentët romë dhe egjiptianë, të cilët do të identifikohen nëpërmjet vetëdeklarimit;
 - xii) studentët, fëmijë të ish-të dënuarve dhe të përndjekurve politikë nga sistemi komunist ose fëmijë me prindër të dënuar politikë me heqje lirie”.





2. Studentët e ciklit të parë të studimeve në Fakultetet e Universitetit të Arteve të cilët nuk kanë aplikuar dhe nuk kanë përfituar përjashtim nga tarifa vjetore e shkollimit, për vitin akademik 2018-2019, që përmbushin kriteret e mësipërme, të aplikojnë sipas formularit, për ciklin e parë të studimeve BACHELOR, (formulari bashkëlidhur këtij urdhri), publikuar në faqen Web të UART.
3. Mbështetur në Vendimin e Këshillit të Ministrave nr. 780, datë 26.12.2018, kategoritë e individëve (studentëve) që plotësojnë kriteret për reduktim në masën 50%, të tarifës vjetore të studimit në programet e ciklit të dytë të studimeve Master, janë si më poshtë vijon:
 - a) Studentët me aftësi të kufizuara, të vërtetuar me vendim të Komisionit Mjekësor të Caktimit të Aftësisë për Punë, si dhe studentët fëmijë të personave/familjes me aftësi të kufizuara, të vërtetuar me vendim të KMCA-së për punë, familjet e të cilëve trajtohen/përfitojnë nga ligji nr. 9355, datë 10.3.2005, "Për ndihmën dhe shërbimet shoqërore", të ndryshuar, ndihmë ekonomike të plotë apo të pjesshme nga njësitë e vetëqeverisjes vendore;
 - b) Studentët, familjet e të cilëve trajtohen/përfitojnë ndihmë ekonomike të plotë apo të pjesshme nga njësitë bazë të vetëqeverisjes vendore, si dhe studentëve deri në moshën 25 vjeç, që kanë vetëm njërin nga prindërit, pasi prindi tjetër është ndarë nga jeta, me të ardhura vjetore të familjes të pamjaftueshme për përballimin e kostos së studimeve;
 - c) Studentët, që kanë përfituar statusin e jetimit, deri në moshën 25 vjeç;
 - ç) Studentët deri në moshën 25 vjeç, që kanë humbur kujdestarinë prindërore me vendim gjykate të formës së prerë;
 - d) Studentët deri në moshën 25 vjeç, që janë identifikuar si viktime të trafikut të qenieve njerëzore dhe kanë përfituar statusin ligjor për trajtim si viktime të trafikut të qenieve njerëzore;
 - dh) Studentët fëmijë të punonjësve të Policisë së Shtetit, të Gardës së Republikës, të Shërbimit për Çështjet e Brendshme dhe Ankesat, të Shërbimit të Mbrojtjes nga Zjarri dhe Shpëtimin, të Forcave të Armatosura, të Shërbimit Informativ të Shtetit dhe të Policisë së Burgjeve, që kanë humbur jetën në krye dhe për shkak të detyrës, të konfirmuar nga ministria/institucioni përgjegjës;
 - e) Studentët romë dhe ballkano-egjiptianë, të konfirmuar si të tillë nga ministria përgjegjëse për mbrojtjen sociale;
 - ë) Studentët fëmijë të ish-të dënuarve dhe të përndjekurve politikë nga sistemi komunist ose fëmijë me prindër të dënuar politikë me heqje lirie;
 - f) Studentët që fillojnë vitin e parë të ciklit të dytë të studimeve në institucionet publike të arsimit të lartë dhe që kanë përfunduar ciklin e parë të studimeve në institucionet publike të arsimit të lartë me notën mesatare vjetore 9 (nëntë) deri në 10 (dhjetë);
 - g) Studentët që rezultojnë me notën mesatare vjetore 9 (nëntë) deri në 10 (dhjetë), të regjistruar në vitin e parë pas të parit dhe që kanë shlyer të gjitha detyrimet akademike të parashikuara për vitin akademik paraardhës.



4. Studentët e ciklit të dytë të studimeve në Fakultetet e Universitetit të Arteve të cilët nuk kanë aplikuar dhe nuk kanë përfituar reduktim në masën 50%, nga tarifa vjetore e shkollimit, për vitin akademik 2018-2019, që përmbushin kriteret e mësipërme, të aplikojnë sipas formularit, për ciklin e dytë të studimeve MASTER, (formulari bashkëlidhur këtij urdhri), publikuar në faqen Web të UART.
5. Pranimin e aplikimeve të studentëve, të cilët përfitojnë përjashtim/reduktim nga tarifa vjetore e shkollimit, për vitin akademik 2018-2019, të ciklit të parë të studimeve Bachelor vetëm për kriteret sipas pikës 1 të këtij urdhri dhe të ciklit të dytë të studimeve Master sipas kriterëve të pikës 3 të këtij urdhri.
6. Grupi i punës ka për detyrë të shqyrtojë dokumentacionin sipas kriterëve të përcaktuara në Vendimin e Këshillit të Ministrave nr. 269, datë 29.03.2017 "Për përcaktimin e kategorive të individëve që plotësojnë kriteret e pranimin në një program të ciklit të parë të studimeve, në një program të integruar të studimeve ose në një program të studimeve profesionale, që përjashtohen nga tarifa vjetore e shkollimit" (i ndryshuar) dhe Vendimin e Këshillit të Ministrave nr.780, datë 26.12.2018 "Për përcaktimin e kategorive të individëve që plotësojnë kriteret për ulje të tarifës vjetore të studimit në programet e ciklit të dytë të studimeve, në institucionet publike të arsimit të lartë".
7. Studentët duhet të dorëzojnë aplikimet/formularin, pranë zyrës së Protokollit në Rektorat.
8. Afati i dorëzimit të aplikimeve nga ana e studentëve është deri në datën 18 Shkurt 2019.
9. Pas përfundimit të afatit të dorëzimit të dokumentacionit, Grupi i Punës, deri në datën 25 Shkurt 2019, të përgatisë materialin me aplikimet e reja, për shqyrtim dhe miratim nga ana e Bordit të Administrimit të Universitetit të Arteve.
10. Studentët e UART, që kanë përfunduar një program studimi dhe po ndjekin një program të dytë studimi të të njëjtit cikël, do të përballojnë koston e plotë të studimeve. Nga kjo pikë përjashtohen studentët e shkëlqyer.
11. Ky urdhër të shpallet në faqen zyrtare të Web-it, të Universitetit të Arteve.
12. Ngarkohen për zbatimin e këtij urdhri, zyra e Protokollit në UART, anëtarët e grupit të punës të ngritur në urdhrin e Rektorit nr. 51, datë 03.12.2018 (i ndryshuar) si dhe sekretaritetë e Fakulteteve të UART për njoftimin e studentëve dhe shpalljen e këtij urdhri.

Ky urdhër hyn në fuqi menjëherë

REKTOR

Prof. Kastriot ÇAUSHI

